

Nobilissimo Iuueni Conss alo Ruitio Delauega & Mendoza: Laurentii Suaris de Figueroa & Mendoza Hispaniarum Regis ad Pricipem & Senatam Venetum Legati filio: Io. Baptista palmarius,

**N**on quia magnum aliquid operosum ue: aut proprium a nobis factum sit Conssale. Ruitio: Si. C. Plinii auctoris celebratissimi: de Naturæ historiis uolumina: ex Annotationibus Hermolai Barbari uiri unius omnium: qui ætate nostra fuere doctissimi castigata: opificibus imprimenda tradidimus: Ut per nos etiamnum quam emendatissima publicum caperent: Sed quoniam quicquid in litteris præstatum: quis pusillum: in admiratione: uenerationeque: priscis etiam sæculis semper sit habitum: ideo hæc in alieno opere diligentiam ueluti in te nostro nominatim tibi per epistolam dicauimus. Ad hæc te nuper uidimus: cum scriptorum numerosi æris: omnium tum huius nostri maxime studiosum: curamque non mediocrem: in ipso ad eadē qua nos usi sumus: limā expoliendo impendere. parti itaque hoc te onere leuaremus. parte ne penitus innominati hi nostri: Qualescumque labores progredierentur: plinium ipsum ad hūc quem dixi modum in quingenta uolumina formis expressum: Tibi honoris causa attitulatum emitti uoluimus. Ec quis profecto te uno huius operis reuerentior benigniorque attestator futurus est: Quis præterea potior: aut mihi conuenientior patronus: Adulescens enim adhuc æqualem tibi defensorus es: doctus haud illiterati causæ ad futurus Nobilissimus ingenium protecturus. Nescioque an & tam peritum simul & tam generosum aduocatū aliū inuenire potuerim: Quippe qui a duabus Regiis gētib⁹ Figueroa & Mendoza in Hispania celeberrimis: innumerumque honorum insignibus: ac titulis decoratis originem ducas: in quibus semper uiri omni laudum genere cumulatū exuerunt: ac in totius prouinciæ luce positi: Alii consilio & sapientia: Alii corporis uiribus exceluerunt: In scientiis doctissimi: in re militari strenuissimi: A deo ut ex hoc stemmate: ueluti ex equo Troiano meri Duces semper exierint. Quī in primis hodieque plurimi tum opibus: tum animi præstantia: corporis robore: summaque apud Hispaniarum Reges gratia pollent. E quibus certo patrem tuum optimum laurentium Suarem uirum omni laude dignissimum hic uidimus in ueneta Ciuitate: ubi non pridem rerum summa uertitur: tertium iam annum legatum ab iisdem Regibus maxima cum sua dignitate gerentem. Et enim quis ex exteris: Italicis ue nationibus orator unquam Venetis Ducibus: Reliquisque grauissimis patribus gratior fuit: quam hic sapiētissimo ac fælicissimo principi augustino Barbado: ac toti senatui est: Quis per deum immortalē in cōsilio maturior aut præsentior inuētus: Quis in exponēdis postulatis facundior: auditis Agendis rebus promptior: atque pro dignitate constantior: & in arcanis fidelior aut taciturnior compertus: Cætera: ut tantorum Regum Legatum decuit & amplitudo domus postulat: Victu splendidus: Vestitu luculentius: Familia copiosius: & quod ad animi spectat generositate: Liberalitate munificus: Religione pius: Moribus comis: Affatu blandus: Litteratum studiosus: Studioforumque hominum amantissimus. Cuius tu uestigiorum imitator optimus. Laborum pientissimus adiutor: Secretorum fidissimus participes: Quantum a sacris occupationibus sub siciui temporis adimere potes: totum id doctrinæ studiis impēdis. Quibus adhuc tū profecisti: ut præter morum uariorū cognitionem: rerumque plurimarū usum litteras quoque bene litteratas ex italia terra in Hispaniam tecum asportaturus sis: ubi eas honestissime cum armis: unde maior te manet gloria coniungere poteris. Sed iam me bona tua cum uenia ad lectorem optimum quemque uertam: is enim quoque hac parte mihi appellandus est: Quem præcipue huius nostri præpositi rationem: ac totius emendationis seriem nosse uelim.

**HERMOLAI BARBARI** Patriarchæ Aquileiensis in plinium Adnotationes eæ sunt: Quibus opinatissimum scriptorem satis commode restitui posse nemo inficiatur: immo de quibus ipse pronūciare non dubitare uerim: quod Hircium de dictatoris Cæsaris commētariis dictitare Suetonius Tranquillus memoriæ prodidit: ut illis historicis: sic his grammaticis non exhibitam: sed sublatam plinium cōmentandī occasionem. adeo omnium iudicio eruditorum comprobari uidētar. Quo adparet angelum politianum uirum in utraq; facundia eminentissimum: cum primum eas comētationes attigisset: haud in iuria dixisse: Solum barbarum æuo nostro latina lingua loqui. Is quoque qui in profitendo iam primas facile obtinet. Nomie abstineo: quia nō satis honorifice pro pietate mea: & ipsius dignitate in præsentia nuncupatim a me dici posset: hic ut ductissimus: ita omnium magnorū ingeniorum Candidissimas arbitrator: nōne iure & merito. Quoties inter narrandum illius uiri uiuentis adhuc mentio incidet frequētissimis auditoriis Thesaurū plinianæ eruditionis appellabat. Ex huius itaque mihi castigationibus auctorem approbaptissimū: sed ætatis uitio locis nō paucis deprauatum: quoniam ut ipse ait: Transcribentiū fors uaria multū degenerat: antonius Moretus Bybliopola primarius: homo industrie litteratus ac uir probus sæpius rogando iniunxit publici cōmodi causa ut corrigerem. Quod feci